



KOMUNIKADO PA PRENSA

Fecha

15 di mei 2017

Accountmanager Komunikashon

Jhanirha Da Costa Gomez-Anita

Email

jhanirha.anita@gobiernu.cw

No usa telefon bou di stür

Willemstad – Servisio pa Tráfiko i Transporte (UO-VV) ta hasi un apelashon serio na nos komunidat pa no usa telefon bou di stür. UO-VV ta konstatá ku último tempu esaki a kuminsá sosodé ku mas frekuensia. E echo ku ta usa telefon miéntras ta stür ta baha un persona su konsentrashon drástikamente i inmediateamente. Den un fregá di wowo bo por okashoná un aksidente òf pèrdè kontròl di bo vehíkulo.

Den último añanan tin diferente aplikashon pa telefon den kual bo ta risibí mensahe òf notifikashon konstantemente. Por pensa riba aplikashonnan manera Facebook, Whats app, Facebook Messenger, Gmail, etc. Tambe risibí yamada bou di stür por baha un persona su konsentrashon for di riba karetera.

UO-VV ta rekomendá un i tur pa ora bo ta stür, no usa bo telefon. Si un yamada dreña, no bai wak ken ta yamando. Hala para den banda i despues wak ta ken ta yamando i kontesta e telefon. Meskos ta konta ku notifikashonnan ku ta dreña. No atendé ku bo telefon miéntras ku bo ta stür, òf bo ta para na lus di tráfiko, òf para ta warda burt den rei.

Evitá pa bo no lamentá!